

常德郡志卷之二

學生商廷輔勘

地理志

山川

昔人謂天下諸山皆本崑崙而江南則岷山為之宗耳朱子云岷山夾江兩岸而行一支發為江北諸山一支度桂嶺經袁筠至建康一支為衡山而盡於洞庭之西若然則吾郡諸山實有脉絡可考水則九江上流匯而為洞庭耳其炳

常德郡志

禮卷二

一

靈鍾秀獨無異於他郡者乎蓋不止表識一方爾已

本府 武陵縣附

陽山

府北三十里自澧州發跡過大龍而為此山東為長坡山西為浮山又西為武山其山高聳雄峙為常德巨鎮四時常有雲氣可以占晴雨山頂有廟以祀陽山之神唐時郡人以梁松配饗因名梁山廟前有池山下有寺二一名觀音寺今改為榮世子墓基一名靈泉寺旁有飛泉瀑布可愛是山草木繁茂為一郡芻蕘之所今則有所禁民用茲日索矣

風門山

陽山側有石門每風將起此門先出黑氣若煙霧然人以爲候

大龍山

陽山北三十里山勢蜿蜒如龍今藩府妃墓基培植修飾尤美

長坡山

府北二十五里為諸山之秀

茶林山

府北三十里其上嘗產美茶

綏紫山

府北七十里新興館之西南

鼇山

府北七十里本名獸齒山相傳昔有僧宣鑑義存文邃三人同遊此悟道故其徒稱鼇山悟道

藥山

府北八十里梁以此山名縣唐為僧惟儼道場刺史李翱曾訪之

文殊山

府北八十里山下有寺名應天禪寺舊有雙松亭宋黃庭堅有詩

龍巖山

府北九十里中有石橋岩壁嵌空石乳如筍竹可五里至其穴冷然水流不可俯視禱雨

常德郡志

卷二

二

輒應

虎齒山

府北二百里形如虎齒居民嘗以六月祭之

浮山

陽山西北三十里

花山

府西二十里

武山

府西三十里一名河汭山又名太和山山阿中有耆闍寺山頂有道德觀俱經兵燹嘉靖初方士即觀址建真武廟改名太和觀民庶崇信遇朔望趨者如市觀下有卓刀泉又云德勝泉崔婆片水甚清冽往來人皆掬飲井後有闕公廟後又有崔婆廟其畔有西山仙井白雲洞遺跡即張虛白醉卧處有巨石水出其下謂之武陵溪其石彎環如牛口中有沙石高堆俗傳為自來墳其石根潛行水中名曰石骨渡江堪輿家以此為常武天關山

高吾山

武山側一名西山盤據森林聳周環百餘里發跡甚遠諸山四面攬拱其下即武陵溪合于沅水晉漁父費道真隱此西谷陳公諱良爰是山奇特築室讀書教子於此詳見提學許宗魯記

鹿山

高吾山下古有鹿穴武陵溪人射鹿逐入石穴見有梯因上豁然明朗桑果藹茂歸以挑樹記之後復尋訪前處莫知所在

善濟山

府西八十里昔有妖女祠唐人表映焚之伐木開道妖害遂熄後人因名山曰善濟而立表烈士祠

塔山

府西南九十里舊有淘金場今廢

常德郡志

卷二

鳳凰山

府南三十里

霞山

府南一百里為府學前案又謂之金霞山舊有淘金場今廢正德間方士創立真武廟遠近神之趨赴無虛日嘉靖丁亥知府方仕慮其惑眾蠹政毅然除之幻妄遂息

善德山

府東南十五里一名枉山山有乾明寺白龍井寺後岡巒瞰江壁立名曰孤峯是山當江流之衝說者謂此地無是山不可以為郡蓋堪輿家所謂捍門華表云舊志隋刺史樊子蓋以堯時隱者善卷嘗居于此故名山愚考莊子云舜以天下讓于善卷卷曰余立于宇宙之中冬日衣皮毛夏日衣葛絺春耕種形足以勞動秋收斂身足以休息日出而作日入而息逍遙於天地之間而心意自得吾何以天下為哉遂不受而去然未嘗指為何許人亦不詳其所止郡

志乃以為武陵人物竊意堯舜皆都冀方武陵遠在荒服且當三苗逆命之前即有是人恐帝亦不得而召之也莊子多寓言若果有是人在遜位之後遠遁于此容亦有之辰州及淑浦志又謂卷煉丹于盧峯山石罅竈尚存卒塋于大酉山其說益謬似皆不足信

木瓜山 府東十五里有木瓜寺

槐花堤 清平門外一里 其地有古槐名 柳堤 東門外通北門

花猫堤 清平門外臨大江嘉靖十三年大水衝决知縣鍾鑿修

南湖堤 府西十五里係官路嘉靖十三年大水衝决知縣鍾鑿修

趙家堤 府西近大江自南湖至河狀知府歐陽恂修

常德府志

卷二

四

東田堤 府東十五里

長江堤 府東二十里春夏水漲與江相通

屠家堤

皂角堤 俱府東三十里嘉靖十三年大水衝决知縣鍾鑿修

宿郎堰堤 府東九十里周迴九十七里一百八步捍禦湖水保障江陂廣德二村居民於內耕種知府歐陽恂方仕修

恂方仕修

高坪 府東北十里港水環繞遠望德山如揖 下陽坪 府西北十里

九岡冲 府東南六十里 爛泥冲 府東南三十里

紫苑洲 府境以洲生紫苑故名

白沙洲 府東三十里

雷家洲

陳家洲

俱府西十五里上有民居種蔬為業

丹洲

府西二十里相傳魯於此掘土得丹砂又以土赤似丹

大江

府城南一名沅水自群柯發源至沅辰漸大會怡望溪大敷溪桃川沉溪鼠溪入武陵溪過府

下直流而東至龍陽北入洞庭

便河

此門外元郡監哈冊所開以民輸運艱於肩荷乃從北門起至潛水十五里開河以便之歲旱

又得以溉田民甚賴焉故謠云哈冊開便河恩多怨亦多百年千載後恩在怨消磨

潛水

府東北一十五里源九溪下合江枉水府南源出枉山楚辭朝發枉渚即此

朗水

府南八十里西水自辰州流至此謂之朗江漢書何邵封於此

常德郡志

卷二

五

武陵溪

府西三十里源出武山入江唐孟浩然有詩

馬子溪

府西十里

蘇公溪

府西三十里

馬龍潭

府東四十里流花港口其潭最深

上百勝潭

下百勝潭

德山潭

楊樹潭

白沙潭

牛鼻潭

德勝潭

胡宗潭

俱上自河狀下至龍陽揚旗嘴屬本

府河泊所謂之九潭

龍門洞

府西北六十里有石巖空曠如屋中有石柱八稜如玉前有石觀音龕後有石龍床形如雕刻其中深邃約二里許前後有門下有龍潭并小渠歲旱禱雨巫取水燃炬緣繩而下用水度過小渠直抵石龍所取石龍口中所滴水以瓶盛之出雲雨隨應成化間知府楊宣親詣其處因驗作歌以頌之弘治間知縣應能亦至其地祈禱復驗如前

港南湖

府東郭外半里舊為居民漁利之所

白鱗湖

府西北七十里相傳有鱗出于此俗名白馬湖

柳葉湖

府東十五里

南湖

府西二十里

盤塘湖

府東二十里

沾天湖

府北三十里

常德郡志

卷二

又五

牛溪湖

府北四十里

青草湖

府東北七十里級紫山下

笠湖

府東北七十里湖中沙洲數箇突出如笠然

鷹湖

府東北七十里為永受南村居民漁樵之利

馬頸湖

府東北一百二十里

白鶴池

府後堂東嘗有鶴棲止故名又俗傳唐時有道士賣墨至朗每笏索價一緡遍郭中無售者一日以一笏授道旁貧者不索價而去其人歸視之乃金也朗人聞之競奪道人所有道人白之刺史李翱翱詰之不獲已而所奪之墨皆化為土翱知其異欲得墨曰無矣惟遺芒鞋一雙以獻翱不受道人投之池中化白鶴飛去今闢地為亭扁曰白鶴軒

龍池 府前宋謝承為守時有黃龍見于水中承表賀因名

火星池 府學後俗傳曾有火星墜其中故名池畔為居民湮塞正德間兩學師生具呈吳都御史

廷舉命官清出

明月池 府城內玄妙觀前俗稱放生池 柳暎池 城東報恩觀內

烏龍港 府西二里俗傳曾有烏龍潛此 新口港 府西五里

石塔港 府北二里萬金村舊有小港不通舟楫水樂十三年常德衛指揮李忠因城垣坍塌開濬

成港以便裝運磚石長約二十餘里

穿紫橋港 府西八里 黃港 府東十三里通大江

常德郡志 卷二

余家港 府西十五里 沙石港 府南三十里

大溪港 府南三十里通大江 花葉港 府南四十里通大江

官倉港 府南七十里 兩溪港 府南六十里通花葉官倉二港故名

流花口港 府東四十里循大江之旁由港入通華容交港以達于荆江既可避洞庭之險又可

刻途路之期甚為往來之便近時有欲濬導者沮于時詘不果

崇孝港 府東北八十里相傳曾有孝子居此故名今街為崇孝街

石公渡港 府北六十里通大江 清泥灣 府西十五里

龍灣 府西三十里 唐家灣 府西三十里

汜頭灣 府東三十里

磨盤灘 府東北十里

硯瓦灘 府西三十里

黃泥灘 府北七十里

古尊陂 府西北十五里唐刺史李璡增修溉田甚溥

槎陂 府東北三十五里唐崔嗣業修此以灌田後廢大曆中刺史常夏卿復治溉田千餘頃

放鶴陂 府東北八十里梁崔穆于此羅雙鶴因放之後鶴銜壁一雙送穆庭中故名歲久湮塞唐崔嗣業復之又號崔陂

津石陂 府北一百九十里唐聖曆初崔嗣業開後李翱溫造皆增修之灌田九百餘頃

箬陂 梅陂 俱府北四十里

常德郡志

卷二

赤塘陂 府南五里 泥塘陂 府南二十五里

東田陂 府東三十里 西洋陂 府北五十里有九

大蠟陂 牛牯陂 俱府東北八十里可灌田千餘頃

永泰渠 萬金村唐光宅中刺史胡虔立開以通漕且為火備

右史渠 萬金村本名後鄉渠又名石英渠唐刺史溫造以起居舍人出知朗州開此可灌田二千

項郡人德之故名

考功堰 府東北九十里一名樊陂後漢樊重隱此有田數千頃歲收穀萬斛唐考功員外郎李翱

開廣以溉田民利之故名

七十餘丈注水溉里田等七
村田至萬餘畝民甚利之

里田堰有二府北 小塘堰府東北一百二十里

龍坑清平門外 澄清井按察司前

臙脂井稅課司北其水可染顏色故名 果行井大善寺前

四眼井府西四百餘步 銅板井繡衣坊南

玉派井玄妙觀西今塞 博濟井府西五百餘步

義井府北三十里地名上橋正德中鑿以惠行路喝者泉甚甘列覆之以亭 禁府所

得一泉玄妙觀左其水澄澈甘美 無咎泉珠履坊北

常德郡志

卷二

一八

雙栢泉府成石亭之左湮塞年久弘治辛酉知府楊煥考求故典濬之得泉清冽正值雙栢之下

遂名後以陰陽家拘忌復填塞之

冽清泉慶豐坊西 濯劍泉修真觀內

卓刀泉府西三十里河湫山下蜀將關羽過此以刀卓地出泉故名後人嘉其清冽又名清勝泉

聖惠泉修真觀前同知吳寅開

桃源縣

涿蘿山縣南一十五里山下有潭上有岩名涿蘿岩即道書四十二福地

桃源山縣南三十里烏頭村約高五里周圍三十二里山下有桃川宮宮遙有梧桐樹根其大數

十園可坐十餘人相傳瞿仙飛昇于此宮後約百餘步有煉丹臺其南即桃源洞秦人避亂處

欽山

縣南六十里山如屏壁舊有欽山二大字

聞山

縣西南三十五里烏頭村山下有溪相傳晉黃道真釣魚見桃花自溪流出捨舟入洞得聞神

仙秘訣

穿石山

縣西南一百五十里高都村漢馬援嘗穿石竅以避暑今春夏水溢則江水自中流過

安陽山

縣西一百二十里高萬丈居民嘗以上之雲氣開闔占晴雨遇旱禱雨即應元時有僧結

庵修道于上後坐化去今遺跡尚存

九山

縣西一百二十里大敷溪之上有九溪

常德郡志

卷二

九

壺頭山

縣西二百里辰州界漢書云以山與東海方壺相似故名馬援軍度處有松梁山山有石

開處數十丈其上名曰天門援戰壺頭不利即此地

將軍山

縣西北一百里白石村兩山相對形如將軍

靈巖山

縣北七十里蘇溪村山下五洞相通其側有靈巖寺

方山

縣北八十里勢甚差巖其上多產黃精百合奇花異草頂上有石洞空曠明朗可容數百人

白馬洞

縣西二十五里即道書云第三十五洞白馬浪光之天

桃花洞

縣南三十里桃源山下一名秦人洞洞前有石橋橫跨兩山名遇仙橋橋下有方竹又有

清風橋洞北有桃花溪故老相傳云晉大元中武陵人捕魚沿溪行忽逢桃花夾岸復前行盡

水源得一山有小口即捨舟以入行數十步其地平曠屋舍儼然有良田美池桑竹之屬男女衣着悉如外人耕種自樂見漁人驚訝問所從來為設酒饌以待村中人聞之咸來問訊自云先世避秦亂率妻子來居于此不復出不知今是何世漁人具言為漢晉聞之皆嘆惋停數日送出漁人沿路挿竹志之太守劉歆聞之即遣人隨所往尋之前路遂迷唐宋名人皆有題詠

琵琶洞

縣境昔人遊洞中隱隱聞琵琶聲故名

靈巖洞

縣北七十里靈巖山下洞中有小河并龍潭水清澈石壁上突生一石觀音成化年間知府楊宣愛而取之今其舊處復長前像洞前積沙中有斷碑上有詩相傳為浴浦師所作

方山洞

縣北八十里方山頂上洞中有八景曉瘴垂簾夜澹分耀山茲散雨石乳瑩酥閑雲呈態

常德郡志

卷二

空翠饒嬌泉翻碎玉鳥度幽篁昔人有方山脉自泰山來雲捲重簾洞府開句

水西巖

縣南一百里怡望溪口高聳雲霄上有仙跡

燕子巖

縣西一百三十里連壺頭山下有深峽歲旱禱雨多驗

花巖

縣東北六十里

趙家洲

縣學前江中居民種藝其上弘治中僉事張鎮判屬本學

潼坊洲

縣東十五里江中為縣左壁即潼坊晚渡詳見八景

延溪水

縣東五里源出高橋北村流入沅水今有渡

呂真渡水

縣東三十里源出龍潭西溪流入沅水今有渡

洞神溪

縣東一里城隍廟之後

鄒溪

縣東四十里源出水田村流入大江溪岸有市民居商貨輻輳之處

梅溪

縣南五里即梅溪烟雨詳見八景

怡望溪

縣南五十里流入大江

鼠溪

縣西南三十里

沉溪

縣西南五十里源出安化縣流入大江

大敷溪

縣西一百二十里源出辰州界下與沅水合

善溪

縣北八十里源出蘇溪下入沅水相傳善卷所遊覽處

蘇溪

縣北一百里上合黃石溪下流自花岩白陽呂真入大江

黃石溪

縣北一百二十里源出香山村下合沅水溪上有石橋刻圮橋二字歲久倒壞以木代之

常德郡志

卷二

十一

扁曰黃安橋俗傳黃石公經此故名

明月池

儒學後舊傳縣南源蘿山為火星昔人開此池以壓之又隣於學有文明之象

江月井

縣東一里水中白石如月故名

西門井

縣西其泉冽歲旱不竭

淋泉井

縣西二里水自石壁淋淋而下故名

湯泉井

縣西北一百二十里水如沸湯旁又有水泉人謂之陰陽泉

龍陽縣

金牛山

縣南六十里峯巒秀出上有金牛寺仙翁洞龍池風洞

龍陽山

縣南九十里舊名橫山唐天寶中改今名後以名縣

良山 縣西南七十

澹山 縣西南九十

浪山 與澹山相連下有水相合出江謂之澹浪水楚辭屈原行吟澤畔遇漁父歌澹浪疑即此也禹

貢澹浪之水孟子孺子之歌皆非此地

軍山 縣東八十里吳治中潘濬討樊佗屯軍于此故名

寶臺山 縣北十五里前對橋州後連內堤

看龜山 縣東北一百二十里舊傳黃帝鑄鼎于鼎港口此山見鑄鼎之龜故名

眉洲 縣西十里突起中流狀如娥眉 白鶴洲 縣北十里其形類鶴

香爐洲 縣東五十里形如香爐在江畔

常德郡志 卷二 十二

澹浪水 縣西十五里自澹浪二山發源合流為澹浪之水

芷水 縣西四十里其地多生杜蘅白芷故名

鼎口水 縣東北一百二十里有神鼎出其間宋改朗州為鼎州即此

西水 縣東一百八十里漢志云源出辰州酉陽故名

蠡湖 縣東三十里跨沅江縣界一名赤沙湖一名赤鼻湖唐杜甫詩殿脚挿入赤沙湖寰宇記范蠡

遊比故中有范蠡廟

太白湖 縣東八十里東北入洞庭湖西南會天心湖達安樂湖入大江

洞庭湖 縣東一百六十里跨沅江縣界山海經云洞庭乃沅澧之交瀟湘之淵九江之口禹貢九

江孔殷註云即今之洞庭也沅漸元辰叙西澧資相九水皆合于此而沅資相三水為最大皆自南而入于湖岳州則荆江自北而過每歲夏秋之交湖水泛溢方八九百里龍陽沅江則西南之一隅耳

大澹湖 縣東十五里

陡門湖 縣西十五里

山湖 縣北七里西通黃城港東會高公橋湖入小江

安樂湖 縣南八十里東北會天心湖入大江

明月池 縣東二百步其水清激雖陰晦常見星月

玉帶池 儒學東通津水紫環如帶

龍蛇池 縣南六十里金牛山下

常德郡志

卷二

德勝潭

三姑潭 俱縣西十里

崇神潭 縣西三十里舊名九潭

長江潭 縣西八十里

鴨子港

周家港 俱縣東通大江

接港

三汊港

武陽港

鳳港 俱縣東

澹港 縣西通大江

辰陽港 縣北

構陽港 縣東北

上窖

中窖

下窖 俱縣北

龍打越北縣

賀家越東縣

洪沾

洞庭夾俱縣東北一百二十里洞庭湖濱往來舟楫候風之所水大則由洪沾水小則由此夾皆

湖可入

明堂井南縣西

長寧井

仙隱井

神惠井

甘泉井俱縣東

冷水井南縣西

雞鳴井西縣

芳芷泉縣南十五里

常德郡志

卷三

十四

流德泉縣西二十里

玉漿泉縣西二十五里

毓德泉縣南六十里

澄清泉縣南七十里

大園堤縣北周迴三萬五千八百餘丈內有孔家車輪等湑五座正統十一年縣丞王斌成化十

三年知縣周泰修建弘治十五年大水衝決知府李燁重修正德間大水民逋負租稅悉逃竄巡撫秦都御史金出榜招撫檄府縣賑濟蠲免所負仍委教諭楊文升督工修築民得漸次復業嘉靖初水復作其壞甚多民被滄沒知府歐陽恂修完嘉靖五年知府方仕又加料理比前尤為周備嘉靖十三年大水衝決知縣薛炳措置工食委官修築八百餘丈及餘堤俱各堅固

恃可

肅公大堤

縣東十五里嘉靖十三年水決知縣薛炳重修

小汎洲堤

縣西二十五里周迴四十丈內有業塘濬二座正德十二年修嘉靖十三年大水知

縣薛炳重修堤岸遷立汎洲

大汎洲堤

縣西四十里周迴一千八百六十餘丈內有江西金釵等濬四座正德十二年修嘉

靖十三年大水知縣薛炳重修

灰步堤

縣東十五里周迴三千一百餘丈內有范陽濬一座正德十二年修

李八堤

縣北二十五里周迴二千八百餘丈內有水濬二座嘉靖十三年知縣薛炳重修

南港障

縣北四十里周迴五千七百五十餘丈內有水濬二座以上俱正德十二年本府委揚文

常德郡志

卷二

十五

修升

保安障

縣北五十里周迴三千五百三十餘丈水濬一座

南城堤

縣東南半里

河洪堤

縣西一里

陡門堤

縣西三里

股堤

縣東南五里

新堤

縣南五里

小安村積水陂塘

處二十

下谷塘村積水陂塘

處十四

長樂村積水陂塘

處十九

中谷塘村積水陂塘

處十六

小安村積水陂塘

處二十

新興村積水陂塘

處二十

谷塘村積水陂塘二十處 大羅村積水陂塘十八處

安立村積水陂塘二十二處 小塘村積水陂塘十二處

張公村積水陂塘十八處 雷武村積水陂塘十一處

石上村積水陂塘十四處 汎洲村積水陂塘十處

新安村積水陂塘十三處

沅江縣

赤山縣東北十五里唐天寶中改名蠡山上有范蠡廟

七仙洞縣北一里 赤江縣東一里岸有赤土如珠

常德郡志

卷二

十六

石溪湖縣南半里民多漁此獲利甚大 鶴湖縣東三十里

龍池湖縣西三十里舊傳有龍潜此故名 天心湖縣西北四十里

沅水縣西南傍湖分派逆行數十里北會昂水入于湖

寒潭縣南一里俗傳東漢嚴子陵嘗遊釣于此

龍硤港縣南三十里 角碧口縣東二十里其水盤迴似碧

西湖隄縣西半里成化初巡撫吳都御史琛檄本府通判徐璟築後知縣金露重修

蓮花池縣東北一里

城池

高城深池所以保障一方非特為壯麗計耳矧地隣邊徼尤所宜究心者乎孟子曰天時不如地利地利不如人和言能和輯其人民地雖淺陋猶可與守况夫高且深耶故禦寇賊以修城池為本守城池又以和人民為先也然人民雖和而城池不足與守亦非策也已有土者其加審之哉

府城

常德郡志

禮卷二

十七

周赧王三十七年楚人張若築城

是年秦昭王遣其將白起伐楚取黔中地

楚人張若築城以拒秦舊志在縣東一百步今治城疑即舊址也

後唐時副將沈如常砌二石櫃

上在府城西南百步下在府東南一里皆索址

於江濱上壘以石捍禦水勢保障城垣至今賴焉歲久衝塌漸多時葺而修之則無覆隍之虞

宋元豐五年將作監主簿李湜開溝渠置斗門

湜言鼎澧等州

宜開溝渠置斗門以便民田詔措置以聞後端平元年太守龔頴篆曰秀水斗門

景定四年宣撫使韓宣呂文德修浚城池事訖詔獎

之守臣韓宣轉遙郡承宣使至咸淳三年樞密院言南平等郡鎮撫使韓宣城常武等州有勞繇

水陸措置盡瘁以死宜視沒於王事加恩詔宣
守本官致仕任一子承節郎仍贈正任承宣使
元至順三年郡守珣璘不花築土城未就軍帥蔣大不
花續成之

延祐六年常德路郡監哈冊於府學前砌石櫃一座

冊以樞星門逼近城堞其趾即大江恐易圯
壞乃築石櫃於學前高二丈餘以殺水勢

國朝甲辰年總制胡汝即舊城修之

洪武六年常德衛指揮孫德再闢舊基壘以磚石覆

以串樓作六門浚濠池而制始備城高二丈五尺
周迴一千七百

常德郡志

卷二

十八

三十三丈約九里十三步串樓一千五百八十
三間警鋪一百五十七所今殺其半雉堞三千
二百四十八朵門六東曰朝陽有月城池廣一
十三丈深一丈五尺西曰清平曰小西池廣一
十丈深一丈五尺南曰上南曰下南上南濱大
江下南池廣一丈深一丈北曰拱辰有月城池
廣一十三丈
深一丈五尺

永樂十三年指揮李忠重修城垣加以樓櫓

正統十年指揮夏宣補修城垣

正德二年指揮段輔修砌江岸城墉

十一年指揮陳鼎重建西門城樓

嘉靖十三年重建清平門城樓巡撫林都御史大輅移檄本府通判聶璜協同

常德衛
修建

十四年指揮周東修砌府學前城垣復於城下築

石為隄高八尺亘延如城先是十二年大水城圯東以辰州衛指揮

推常德衛軍政至是林都御史大輅檄東修之

桃源縣

國朝成化十六年通判張瑛始築土城舊無城郭常有草動之虞瑛乃

相其高阜築土為城低窪處立排柵聊以捍禦

常德府志

禮
卷二

十九

弘治十年知縣李文顯補築土城建四門東曰迎恩東南曰迎薰南曰

通道北曰通郭時奉分巡副使魏英檄文為之

龍陽縣

元至正十六年始築土城元末兵起天完徐壽輝將陳友諒據武昌分兵駐此鄉民

築土城防禦至今因之

國朝成化十一年知縣周恭即舊城間甃以磚設六門

樓櫓如數城高一丈二尺周迴八百八十七丈門六曰東曰西曰南曰小南曰北曰小北

正德十三年修城浚濠巡撫秦都御史金臨縣以地隣洞庭湖盜城易發乃發帑

藏行委縣學教諭楊文升督工修築城垣其北
瀕江東西南三隅則浚壑為濠有警可以防守
嘉靖十三年知縣薛炳重加修葺時城池年久未修
且值荒歲炳蒞任
恐有他虞行委義民鄢連四等分
投修濬及重建六門堪以保障

沅江縣

國朝成化十一年知縣范珏築土城建四門城高六尺
周迴五里

門曰東西南北無
樓櫓亦未浚池

正德十二年知縣金露重修土城